

دائرة مخصوصه

در سعادتده باب عالی جوارزند

محل اداره :

مشرق و مغرب

۱۳۲۶

اخطار :

مسلكمزه موافق آثار جديده مع المنوئيه
قبول اولنور

درج ابدليني آثار اعاده اولنور

ديش، فلسفه، علوم، حقوق، ادبيات و سياستنامه رباطخانه كرك سياسي و كرك اجتماعي و مدني احوال و مشورتي اسرار و مبحث ايدر و هفته ده بر نشر از انور.

آبونه بدلي

صاحب و مؤسسلری :

دوسعادتده نسخهي ۵۰ پاره در

ابوالعلا زين العابدين - ح . اشرف اديب

سنه لكي التي آيلني

ممالك عثمانیه ایچون	۶۵	۳۵	غروش
روسیه	»	۶۰۵	۳۰۵ روبله
سائر ممالك اجنبیه	»	۱۷	۹ فرانق

تاریخ تأسیسی

۱۰ تموز ۳۲۴

قبرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۱۰۵

۴ رمضان ۳۲۸ پنجمینبه ۲۶ اغستوس ۳۲۶

بشنهجي جلد

شرائط حیاتیه سنی حس ایدان بر تانی ایله تعدیل ایدن زمان ، اونلره هیچ خلل کتیرمن؛ بالعکس ، «تجدد» کله سنک ماضی تاریخی فراموش معناسنه دلالت ایتدیکنی بیلن هر ملت ، اسلافک تذکارینه ، موجودیت ملیهده محافظه انسجامه وسیله اولان عنعنات واعتیاداتی محافظه به ساعی در .

«... برده نصلسه یا کلش برطن پیدا اولمش ؛ فرانسلزده کویا بویله شیرله اهمیت ویرلدیکی فرض ایدیلور . بویله برطن حصوله سبب اولانلر فرانسملتی حقنده کی مشاهداتی ، پارس بولوارلرینک اجنبی یتاغی اولان هوتلرنده وپانسیونلرنده کوردکلری احواله انحصار ایدنلر در . اساساً فرانسلزلر عادات و عنعناته غایت احترامکار برملندولر . دفته شایاندکه - زمانک تأثیراته رغماً - «اورلثان» قهرمانی (ژان دارق) ک خاطره سنه اداواقی بر احترامسزلق بویله الآن عفو ایدیلور . فرانسه اهالیسنک ایام دینه و ملیه به ویردیکی اهمیت هیچ برترزلله اوغرامامشدر . فرانسه ولایاتنده ، فرانسلزلرک عائله محیطنده یشامش اولانلر بونی تمامیه بیلیرلر .

بودیدیکمز ظواهر در . ظواهر بر ملتک هیئت عمومیه سنه تعلق ایدنجه باطنک ترجائی حکمی آلیر . بوراده باطن دیدیکمز حیسات احمده الک قوتلی سائق اولان معنویات در . ملتر یالکز مادی قوتلرله یشامازلر ، موجودیتلرینی یالکز مادی قوتلرله صافلامازلر ؛ اوقوتلرک استنادکاهی معنویتلری در . مادی قوتلری پیدا ، اوقوتلردن استفاده بی تأمین ایدن سائق انسانلرک اعتقاداتی ، احساساتی ، قناعاتی در . بوجهتله ضعیف اولان برملت ، مادی قوتی اعتباریلدهده ضعیف در . چونکه طوب و تفنیک ، باره و ثروت کندی کندینه ایش کورمن . «ایش کوردیرن» انسانلر در . یالکز مادی حسابلرله حرکت ایدن انسانلر علویاته صعود ایده منلر . اودرجه لرده متانت آنجق عالی حسلرک ، عالی اعتقادلرک صادقی اولان انسانلرک قلبنده بولنور ؛ یالکز اونلر اویوکلکلری کوسره بیلیرلر .

«وطن» ک شکل مصغری «خانه» ، «ملت» ک شکل مصغری «عائله» در . خانه درت دیوار ، ملت بر سوری انسان دیمک دکلدر . بونلرک هرایکسی حسلر ، خاطرلر ، قناعتلر ایله روحلانیلر ، جانلانیلر . اوحسلر وقناعتلر ، اواخرلرله - یعنی عائله نکل وملتک معنویاتی تشکیل ایدن قوتلر - قالدیلرسه ، معنا هیچ بر قیمتی اولمایان بر طاقم بنالرله افرادی ، یکدیگرینه - و آرتق «آنا طوبراغی» نظریله باقدقلری وطنه - قارش بیکانه بر سوری انسان قالیر . بویله بر جمعیت محکوم انقراض در .

انسانلرک نائل علویات اولملری باطنده و ظاهرده متین اولملرینه متوقفدر . حسابنده ، اخلاقده ، معنویاتده متانت برملتک ضمان نجاتی در . عثمانلیق عالمتک بیوک قهرمانلری شمیدیکی انسانلر کی ات وکیک اوله رق یارادلش ایدیلر . عجبا اونلره اوخوارق یاپدیران یالکز بازولرینک قوتیمی ایدی ؟ قلبلرینک قوتی اولسه ، بازولنک قوتی نره به قدر یتیشه بیلیدی ؟ عجبا دوشونلکی که اونلرک قوتی نه کی حسابتک ، نه کی قناعتلرله صداقتک ثمره سی ایدی ؟ قوه قلبیه آنجق زمان و فرصتی کلیرسه تظاهر ایدر بر حادثه خارق العاده دکلدر . نزاهت اخلاقیه نکل نتیجه طبیعیه سیدرکه فرصت ظهور ایدنجه منجلی اولور . معنویاتی قوتلی اولمایانلر بردنبره بیوک انسانیتپرورلر ، بیوک وطنپرورلر ، بیوک قهرمانلر اوله مازلر . بیوک انسانلر اساساً معنویاتی قوتلی آدمیلردن ظهور ایتشدر .

اوتهدن بریدن یارم یاملاق ایشندکلری تاریخ واجتماعیات قرنیلرله مورخ رصوصیولوغ کچینلریمز ، بر ملتک جریان تاریخیسنی بر نقطهده کسویردرک بر نوع table rose یاپوب اوزرینه خیالی بنالر قورمق و همندهدرلر . شرق و غرب عالمیلرینی یاقیندن تدقیقه موفق اولمش د . ک . افندیکنک بو مقاله لرینی ، بالخاصه اودواته رمضان هدیه سی اولمق اوزره ، تقدیم ایلرز .

ای ، یا محافظلری ناصل ! قوره و بوسنه هر سیکده طاغلق ایدی ، لکن هرایکسی بیوک مشکلاسنز الحاق اولنوویردیلر . هم تاریخنده اولیه دوز ، قیرمکلکتلر بیایورز که بوتون دنیایی ضبط ایچون جهانکیرلر یتشدر مشلردر . یوجه طاغلر دکل ، یوجه طبیعتلی آدمیلر در که غلبه چالار . کوچوک قره طاغ ، حاکمیت واستقلالنی آنجق کندی قهرمانلنی ، مستولی به تابع اولمقدن ایسه اولمه بی ترجیح ایتمه سی سایه سنده صاقلایه بیلدی . ملترک سر حیات و بقای بوندن عبارتدر . انسان قیمت حریتی حیاتدن دهال بهالی صاندقجه محکومیتی اولومدن بدتر کوردکجه ، حاکم مستقلدر .

«... بکا بر ملت کوسترکز که عوامک قصوریله باطمش اولسون . «اوله بر ملت یوقدر . قرالقلرددهده ، جمهوریتلرددهده ، انحطاط «یوکسکدن باشلامشدر . قومک قوتی ، ابتدا ، اصلیلزاده لری ، «مأمورلری ایچنده ضعفه تحول ایتشدر . ملتک اعضای مدافعیه سی «ایشسزلکدن ، یواش یواش ، طفلی بر شکل آلمشدر . عدم فاییت ، «رخاوت ، سفاهت ، فسق و فجور ، مسرفلک ، و بونلرله برابر قلبسزلک ، «تقیدات مدنی و انسانی به بذل اولنماق یوزندن عادت و حبشه شمش «اکثریت عظیمه مایه ایله قطعاً رابطه سزلق ، ایشه یوکسک صنفلرده «انحطاط و انقراضک باشلانجی ! اساساً محارب اولان بو صنفلر ، «بویله جه صلحپرورلکه ، صکره رخاوت و مسکسته طالمشیلردر ؛ «جنک وجدال حقیقی فعالیتک یرینه قالملرک مستعار خدماتی قائم «اولمشدر . جنکاورلکه برابر قوه ایجابیه سنی ده غائب ایتش بوصنوف «ممتاز ، آرتق قومشولرینی تقایده قویولورلر ؛ بونلرک غندنده مدنیتک «درجه سی یشانجیلرک روحنی استعاره ایله اولچولور . بو صنوف «مدنیده قومشولردن برینک مدنیتی کندیلرینه معبر د اتخاذایده رک «کندی ملترلندن کندی مدنیتلردن تماماً آیریلورلر ؛ اکثریت اهالی «ایسه کیتدکجه و حبشه شیر . بر ملتک صنوفی آراسنه بویله مدنی بر «اعتزال کیردیمی ، آرتق امین اولمی که اوملتک کونلری صاییلیدر...» فرنک مدنیتی کندیلرینه ارباب اتخاذا ایدیلریمز اشبو تنقیدلری کندیلرینه طوغریدن طوغری به متوجه ظن ایته سینلر دیه ، علی العجله سویایه لم که اشبو سطرلر ، «نویه وره میا» نک ۱۴ اغستوس رومی ۱۹۱۰ تاریخی نسخه سنک ایکنجی صحیفه سنده عیناً مندرجدر .

معنوی قوتلر

پترسبورغده مذشیقوف یوقاری به منقول مقاله سنی یازارکن ، استانبولده د . ک افندی ده همان عینی حقایق «صبح» ک بر باش مقاله سیله همشریلرینک نظرگاه عبرت و تفکرینه قویبورمش . بک فائده لی اولان بو باش مقاله نکل قسم اعظمی ، بزده قارلریمزه عیناً تقدیم ایتک ایستیورز . اگر اولجه «صبح» ده اوقومش ایسه لر بیله ضرری یوق ، برده اوقوسونلر ؛ چونکه مقاله بر قاچ دفعه اوقومیه و نه چوق دوشونله به دکرلیدر .

«بر قومک حسیات و آدابی موجودیتنک لایتنک دلیلدر ؛ بشریتک